



## Universitätsbibliothek Paderborn

### **Instructio practica ...**

Institutiones Theologiæ Mysticæ, Seu Facilem & practicum modum  
Exercitia Spiritualia S.P. Ignatii Loyolæ per octiduum faciendi - item  
triduanam recollectionem fructosè instituendi complectens, Et  
Sacerdotibus Præcipuè, aut de Sacerdotali Statu suscipiendo  
deliberantibus accomodata, Una cum ...

**Lohner, Tobias**

**Dilingæ, 1680**

Meditatio Proœmialis pridie Exercitiorum peragenda.

[urn:nbn:de:hbz:466:1-48834](https://nbn-resolving.org/urn:nbn:de:hbz:466:1-48834)

quod attinet, præter libellum de imitatione nullum determinatum alium librum assigno, cum juxta veram constitutionem personæ in hoc secessu versantis alia & alia materia assignanda sit. Illud tamen univèrsim observandum videtur, ut non doctrinalis duntaxat, sed & historices quidam librum vitam v. g. Sacerdotis cujuspiam sancti & perfectioris assumatur, ut, quantò magis deformationem & imperfectionem in vita tali velut speculo sacerdos cognoverit, tantò magis ad eandem detestandam, vitamque suam integrè reformandam incitetur. Tales autem vitæ esse possunt vita Joannis Baptistæ, Jacobi Merlahorstij, S. Caroli Borromæi, S. Marii Foreri & aliæ similes.

MEDITATIO PROOEMIALIS,  
Pridiè Exercitiorum peragenda.

Scopus.

*Ardens desiderium, hæc Exercitia cum magno fervore ac fructu peragendi.*

Punctum I.

Confidera I. Quòd hodie Christus ad te illa verba, quæ olim ad Apostolos suos Marci c. 6. dixerat, iterum repetat. Venite seorsum in desertum locum, & requiescite parvulum.

Confidera II. Quis te invitet, nimirum ille, de quo scriptum est Cant. 5. dixit: Anima mea liquefacta est, ut dilectus meus intus est. De quo bini discipuli in Emaus euntes Luc. 24. facti sunt: nonne cor nostrum ardens erat in nobis, dum quaereretur nobis in via? Ad quem locum invitet; scilicet ad solitudinem, de qua S. Hieronimus dixit: Oppidum carcer est, & solitudo Paradisus: maximè cum JESUS presens est, nam, esse cum JESU dulcis est Paradisus, teste Tho-

Kempens l. 2. c. 8. Quâ de causâ invitet, nempe ut  
 quædam modò à curis temporalibus & turbis, & torum te  
 colloquio cum Christo, spiritualibusque exercitijs impen-  
 das, dicas cum S. Augustino: Nunquam minùs solus fui,  
 quam cum solus fui.

Confidera III. Quantus sit iste favor & gratia, quàmque  
 alio promptè illum atripere, gratùmque exhibere te debeas.  
 Colloquium instituetur ad SS. Patronos, quos pro felici ex-  
 ercitorum successu potissimùm elegisti.

## Punctum II.

Confidera I. Quid in ista quiete potissimùm tibi agen-  
 dum sit, nimirum cum dilectissimo Magistro & Servatore  
 Christo de rebus majorem ejus gloriam, tuàmque & pro-  
 priam salutem concernentibus colloquendum.

Confidera II. Quàm honesta, jucunda, & utilis hæc oc-  
 cupatio sit futura, utpote ex qua meritò sperare possis, sum-  
 mum fructum post DEI gloriam, in te aliòsque, cum quibus  
 tibi deinceps agendum fuerit, redundaturum.

Confidera III. Quanta cum alacritate & gaudio in deser-  
 tum hoc te conferre, mentémque tuam ad hoc tam exopta-  
 tum cum Christo colloquium præparare debeas. Collo-  
 quium fiet ad B. Virginem tanquam primariam Patronam,  
 & Authorem horum exercitorum, rogando eam demissè, ut,  
 quemadmodum olim S. Ignatium docuit horum exercitio-  
 rum modum & formam, ita tibi quoque nunc adesse velit,  
 ut omnia, quæ in dicto modo præscribuntur, accuratè obser-  
 vare queas.

## Punctum III.

Confidera I. Quæ media adhibere debeas ad hoc collo-  
 quium cum fructu instituendum, nimirum ut omnia, quæ  
 distractionem animi tibi creare possent, efficaciter removeas,  
 sed & que omnia personis, negotijs, curis, inordinatis affe-  
 ctionibus illud Christi dicas: sedete hîc, & requiescite, de-  
 nec vadam illuc, & orem.

Confidera II. Si ut ordinario tempore recreationis collo-  
 quium cum uno alteròve homine de rebus sæpe vanis, inu-  
 tilibus, & curiosis instituatur, tam faciliè negotia & curæ se-  
 ponuntur.

Instru. VIII.

S

ponuntur

ponuntur, quando magis ea propter tale colloquium sperare debeas, ex quo non immerito tibi polliceri possis, magis instructum ad eadem negotia redditurum, & hoc pro maiori cum fructu postea peracturum.

Confidera III. Quomodo hæc omnia observare velis de tua hac sollicitudine dici queat: *Ponam desertum & sollicitudinem quasi hortum*; in quem scilicet evas noxijs vitiorum colijs solidarum virtutum pulcherrima mina plantentur. Colloquium instituetur ad Christum surpando cum sincero affectu illud S. Davidis: *Paratum meum, Deus &c.* Item illud Samuelis: *Loquere, Domine, quia audit servus tuus.* Imò posset non incongrue caput 2. lib. 2. de imitatione Christi colloquio huic inter-

Si hæc meditatio minùs placet, sumi potest meditatio Circo perfectionis P. Joannis suffreni fol. 37. vel ex Thilo philo P. Joannis Weyer fol. 230. ex quo, si tempus parum etiam perquam utiliter actus intentionis pro his exercitiis fol. 237. notati elicientur.

Legantur item Additiones S. Ignatij ad exercitia. Monita generalia ex Circo perfectionis fol. 4. vel in libro ex Ludovico de Palma. & si per tempus licet, etiam in 20. lib. 1. ex libello de imitatione, ex quo sequentia bene observentur: In silentio & quiete proficit anima, & discit abscondita scripturarum. Ibi invenit fides, & crymarum, quibus singulis noctibus se lavet & mundet. Conditori suo tantò familiarior fiat, quantò longius ab omni sæculari tumultu degit. Qui ergò se abstrahit à negotiis amicis, appropinquabit illi DEUS cum Angelis Sanctis. Claude igitur super te ostium, & voca ad te IESUM dilectum tuum. Mane cum eo in cella, quia non invenies alibi tantam pacem.

### Conclusiones

#### *Sen proposita ex dicta meditatione faciendæ.*

1. Ergo collige & te intra sinus, qui omnes recipis, & qui quid prodest tibi juxta verbum Domini, si universis crederis, te unum perdens? Quamobrem cum omnes te diligant, esto & tu ex habentibus unus, quid solus fraudaris?

erere tui? usquequo spiritus vadens, & non rediens? sapien-  
tibus & insipientibus debitor es, & soli negas te tibi? S. Ber-  
nardus.

III. Ergo, o sancta anima, sola esto, ut soli omnium ser-  
vas teipsum, quem ex omnibus elegisti. Secede, sed mente,  
non corpore: sed intentione, sed devotione, sed spiritu. So-  
la indicitur tibi mentis & spiritus solitudo. Solus es, si non  
communia cogites, si non affectes presentia, si despicias,  
quod multi suspiciunt &c. S. Bernardus hom. 40.

III. Ergo videte, fratres, quomodo cautè ambuletis, re-  
dimentes tempus à Deo ad tam præstantem finem concessum;  
nam, ut rectè S. Basilius ait, temporis pars ad usuram Deo  
tradita, non evanescit, sed cum magno additamento ab ipso  
re dicitur. Nec, ut S. Hieronymus bene advertit, eò fit hic  
recessus, ut retraharis à tuis, imò id agimus, ut ibi discas,  
ubi que meliteris, qualem tuis te præbere debeas.

## PRIMÆ HEBDOMADÆ

### I. Dies.

Scopus primæ hujus hebdomadæ est triplex. I. Horrorem  
& dignam estimationem de peccatorum gravitate con-  
cipere. II. Ea per actualem & intensum dolorem detestari  
ac delere. III. Varia media ad relapsum cavendum præ-  
parare.

Tellera pro prima die: *Fecisti nos, Domine, ad te & in-  
quietum est cor nostrum, donec requiescat in te.* S. Augusti-  
nus in Confess.

### MEDITATIO I.

#### DE FINE HOMINIS.

##### Scopus.

*Serium propositum, totis viribus hunc finem prosequendi.*

##### Punctum I.

Confidera I. Cur homo creatus sit, scilicet ad imaginem  
& similitudinem DEI, id est, ut, sicut DEUS infinite ac com-  
prehensivè se cognoscendo & amando summè beatus ac fe-